



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XXIIII.

urn:nbn:de:hbz:466:1-11453

quia in *Wandali* plenius diximus, nunc paucis attingi-
se contenti, abimus.

CAPVT XXIII.

Imperator autem *Fridericus* iam tum in Italia rebel-
libus imminebat: Nam *Longobardie* ciuitates qua-
dam partibus *Alexandri Papæ* accesserunt, Imperatori
rebellantes, urbem nouam contra *Ticinum*, quæ *Friderico*
fauebat, *Alexandriam* de nomine pontificis appellâ-
runt: *Cæsar* obsedit *Ianuam*, quæ cum cæteris fauebat
Alexandro. Premisit autem *Reinoldum Coloniensem*,
& *Christianum Moguntinū* archiepiscopos, & partem
exercitus, vt urbem *Romam* terrarent. Venientes au-
tem in *Tusculanum*, oppidum non longè ab *Vrbe*, ubi
res ad pugnam præparauere, egressi *Romani*, comperia,
contemptaq; militum *Teutonicorum* paucitate, illi lon-
gè maiori agmine pleni fiducia duxerunt in eos: *Teuto-*
nici non segnes arma corripunt, & pugnantes, pauci
multis præualuerunt, cæsis ad XII. millia ex *Romanis*.
residuos autem fugientes insequuti, ad *Vrbis* vsq; ma-
nia propulerunt. De strage autem cadauerum insepul-
torum exorta pestis, multos *Teutonici* agminis perdidit,
& in primis *Reinoldum Coloniensem* archiepiscopum,
qui superiori oppugnatione *Mediolani* corpora sancto-
trium *Magorum* dono accepta *Coloniæ* perducere cur-
auit: vbi permanent magna veneratione in hodiernum.
Opera autem precium est enarrare ordinem eius trans-
lationis: Annus erat *LXVIII.* post centum atque mille,
cum *Cæsar Fridericus* grauissima obsidione vrgeret *Me-*
diolanum: Ciuēs ad extremam famem per ducti, dedi-
tionis fecere mentionem, promissa incolumitate ciuium:
Cæsar vnum excepit primarium ex vrbe virum, qui re-
bellionis author diceretur, quem etiam poscebat ad sup-
plicium.

placium: Et vbi comperit abbatissa loci in quo manebant corpora trium Magorū, germana soror eius viri, pacta est cum archiepiscopo Coloniensi vitam fratri: Sciebat enim ciues, etsi non leuiter dederent hominem ad supplicium, extrema tamē fame pressos, necessitati cessuros: & pro munere pollicetur sanctas illas reliquias. Sciens archiepiscopus indignationem & implacabilem irā Caesaris in hominem, honesta fraude circunueniendū putauit Imperatorem, pro munere deposcens quod abbatissa exportaret: Caesar non cogitans quid moliretur, induxit: Illa fratrem humeris, vt potuit, euexit. Caesar nō hoc permisisse clamat. Archiepiscopus fidem promissionis efflagitat, nec facile illum Caesar contristauit. Itā saluatur ad mortem destinatus: & ille sanctas ex pacto reliquias accepit, quas Coloniā premisit. De Parthia dudum venerant Constantinopolim, & inde Mediolanum: Vbi DC LXXI. feruntur annis quieuisse. Postea verō idem archiepiscopus apud Tusculanum in castris defunctus, & ipse in ecclesiam suam post sanctas reliquias inducitur. Fridericus quoque dux Sueuie eadem infectus tabe tum perijt, qui filiam tenebat Henrici Leonis coniugem.

CAPVTE XXV.

Caesar, expugnatis Ianuensibus, Romam contendit: & iunctis viribus vtriusque exercitus, ipsam urbem oppugnauit. Aedem diui Petri à Vaticano militibus in secessum cepit: & fugato Alexandro, idolum suum Paschalem introduxit: Deinde Lateranum oppugnauit. Sed Romani cum cernerent se Imperatoris viribus longè impares, deditioem fecere, imperata se facturos polliciti: in quā etiā rem dedere obsides Caesar, rebus itā compositis, residuū exercitū reduxit in Longobardi-